





1875


C 212/42














20

L 20403

TOMBEAU DE LA POLETTE:

DEDIE' AVX IEVNES
ADVOCATS.

Par D. M. B.



M. DC. XV.

TOMBRAV

DE LA POLETTE

Case

F

39

326

1615 to

THE NEWBERRY
LIBRARY



LE TOMBEAU

DE LA POLETTE,
dedié aux ieunes Aduocats.

*Esseurs, ie souhaiterois volōtiers,
M estre semblable à ceste montagne
si celebre de nos Cosmographes,
laquelle eslance, en mesme instant, des flāmes
& des flots, afin qu'à mesme temps ie puisse
participer au contentement que vous auez
de l'extinction de la Polette, & en mesme
temps (par compassion charitable) accompa-
gner les sanglots & les larmes que tous les
officiers de la France viennent espandre sur
son tombeau.*

La perte qu'ils s'imaginent y auoir fait

leur cause à la vérité tant de larmes & de regrets, que ce seroit vne espece de cruauté que de rire de ce desastre: Mais vostre contentement particulier me transporte en des esclancemēs si extraordinaires, que ie ne puis estre susceptible de leurs regrets, & faut que malgré moy i entonne ces chants de triomphe parmy leurs tristes lamentations & pitoyables accents.

Courage donc, Messieurs, courage brave ieunesse, l'unique espoir de toute la France, l'ornement de la iustice, honneur du siecle, & le seminaire de toutes vertus.

C'est à vous inimitable ieunesse, ausquels la suppression de ceste Polette fait esperer autant de felicité, que durāt son cours vous en estiez reculez.

C'est maintenant que les Muses sont restablies en leur lustre: C'est maintenant que la iustice doit faire esclater sa pourpre, & briller son escarlate, Et que les honneurs cy devant prophanez aux pieds des idoles,

5
doivent estre remis au temple de la Vertu.

Vous y auez (Messieurs) le plus grand interest, & en receurez à present la premiere commodité

Vostre vertu si long temps eclypsee dans les espoisses tenebres où la Polette la faisoit croupir, paroissant maintenāt au iour, vous doit faire esperer vne digne recompense, dedans le temple de l'honneur, dont la porte sera doreśnauāt bouclée à toutes autres sortes de personnes qui ne seront de vostre illustre compagnie.

C'est pourquoy (Messieurs) ie vous dedie ce Tombeau, Et le vous presente aussi rude Et mal poly que ma Muse l'a peu construire.

Et m'asseure qu'il n'y aura personne d'entre vous qui ne desire d'affiger sur sa tombe, quelque elegante epitaphe, ou quelque eloge d'honneur.

Aussi seroit ce quelque espece d'ingratitude, de n'appendre vos derniers vœux sur

ce Tombeau de la Polette, puis que vous desirez d'en profiter autant en sa mort, que ceux qu'elle souloit favoriser y perdent.

Et m'ose promettre, que mille beaux esprits de vostre compagnie estaleront leurs conceptions en faueur de ceste Tombe, digne subiect à la verité d'employer vos riches plumes & desployer vostre eloquence.

Que si i'entre le premier, dans ceste lice, & anticipe premier cest honneur, c'est pour vous en consacrer la gloire, & vous ouvrir la carriere, en laquelle autre dessein ne m'anime, qu'un desir de vostre contentement, & une volonté immuable de demeurer à jamais,

Messieurs,

Vostre plus humble & affectionné seruiteur,
D. M. B.



T O M B E A U

D E L A P O L E T T E.

S T A N C E S.



*N fin, graces aux Dieux,
ceste infame pucelle
Qu'on esbranloit souuent
Et ne succomboit pas,
De Leze Majesté cogneuë*

criminelle

S'est veuë, prononcer l'arrest de son trespas.

*Ell' est morte à la fin, iustement terrassée,
Aux pieds de la Vertu, d'honneur Et d'equité*

Et se veoit aux Enfers si profõd eläcee, (este.
 Qu'il ne luy reste plus, qu'un bruit d'auoir
 (re

Mais si de ses beaux iours, la saisõ Printanie-
 Contrecarra l'aduis, du Senat des Gaulois)
 Tout de mesme sa fin offusque sa lumiere,
 Sape ses fondemens, & repugne à ses lois.

Ce sacre saint Senat, couuroit ceste Polette
 Sous le pourpre Royal de son authorité. (te,
 Luy dõnoit sauscõduit, luy seruoit de retrai
 Et ores veoit son cours malgré soy limité.

Ce Senat s'opposa à sa fiere naissance
 Et voulut s'opposer viuement à sa mort,
 Mais si de l'un il n'eut grãde resiouyssance,
 De l'autre il ne recent, aussi grand recõfort.

Bongré, malgré l'effort de l'escoade cõtraire
 Elle gist dans l'enclos de ce triste tombeau,
 Sans espoir de reuoir la vitale lumiere,
 Et se renouueller, par un estre nouveau.

Le durable Tombeau, qui sa charogne enferre
Est de brōzē & d'airain, de peur qu'en peu de iour:
Ce sepulchre souurant, comme par fois la terre,
Ce monstre pullulant recommençaſt son cours.

Celuy qui d'inhumér ce monstre priſt la cure,
La terre aprofondit iuſqu'au creux des Enfers,
De peur qu'elle ne fiſt à la terre ouuerture,
Après auoir briſé ſon cercueil & ſes fers.

Deux diuers elemens (de nature contraire)
Se font guerre, mutins, autour de ſon Tombeau:
Car d'un coſté le feu entoure ceſte bierre,
Et d'un autre coſté ſe veoit vne mer d'eau.

Ce feu eſt embrazé, comme le feu de ioyē
Par tous les bons François, & ceſt autre Occean
Par les larmes eſt faiçt, de cil qui veoit en proye
Son office achepté, à beaux deniers contant.

Mais qu'il pleure ſon ſort, qu'il deplore ſa perte,
Deplorant le treſpas de ce monſtre nouveau:

10

Je serois aussi sot, de m'en rompre la teste,
Que pour s'y estre mis, il en demeure veau.

Je quitte là les pleurs, Et si ma triste lyre
Chante sur ce Tombeau, ie veux que l'univers
Entendant ces fredons soit excité de rire
Plustost que s'attrister par un lugubre vers.

Donques, Grand Roy Louys, que le ciel te benisse,
Surjon de tant de Rois, vieil tige des vertus,
Mais que par tes estats (à ton peuple propice)
Tu rends tous nos malheurs en ce monstre abbatus.

Le grand Henry le Grand, laissa croistre la cresse
Ce monstre felon, porté d'un saint amour,
Ne te laisser l'honneur d'une telle conquête,
Et nous faire admirer, ta prudence à ce iour.

Tu rends le iour au iour, du bonheur de la France,
Tu rends à la vertu son prix & son honneur,
Et tu te rends à toy, ce que par tollerance
On tenoit eclipsé de ta sainte grandeur.

Les autels fumeront à ton los, à ta gloire,
 Tes peuples satisfaits en benissent ton nom,
 Puis qu'ils ont rapporté ceste insigne victoire,
 Par ton sage conseil sur ce monstre felon.

Le tribunal ouuert, deormais de iustice,
 Ses oracles sacrez rendra plus seurement,
 Les vertus ne seront opprimees du vice,
 Établissant les loix au premier ornement.

Car le triste Tombeau de la fiere Polette,
 Renferme dedans soy l'ignorance *Et* l'erreur,
 Qui sembloit menacer d'une infauste tempeste
 Le repos du public, *Et* du Roy la grandeur.

Describe qui voudra sur ceste tombe infecte
 Les horreurs, les malheurs avec elle enfantez,
 Il suffit, il suffit que ma Muse s'arreste
 D'y trahonner ses vers promptement auortez.

Cygist sous ce tombeau un monstre, d'où la vie
 Fut la mort de l'honneur, du los, de la vertu,

*Le reste de nostre heur, elle nous eust rauie,
Si ce grand Roy Louys n'eust ce monstre abbatu.*


*Pour ses diuers forfaits, dont el' est criminelle,
On l'eusse fait du feu res sentir la rigueur:
Si comme le Phenix, bruslé se renouvelle,
On n'eusse crain t de voir renaistre ce malheur.*

*Que l'on n'espere plus la reuoir sur la terre,
Le monde en est content, & les Enfers aussi,
Pluton est tres content que son regne l'enferre,
Et tous les citadins de l'a uerne noircy.*

*Aux lambris estoilez ell'eust sa route prise,
Mais les Finances n'ont place dedans les Cieux:
C'est le regne de l'or, que le regne d'Helise.
Et son propre manoir que ces funestes lieux.*

*Son pere fut Polet, l'auarice sa mere,
L'iniustice & l'orgueil dans le branlant berceau
L'alai cterent du lai c t d'un ame safran iere,
Et gissent r'enfermez dans ce mesme Tombeau.*

FIN.



SVR LE MESME SVIET A
MESSIEVRS LES OFFICIERS
de France.

Sonnet.

Q Voy vous vous atristez, demy-Dieux de la France,
Que l'infame Polettè aye passé le pas:
Sy c'est nostre malheur, ayez plus de constance,
Et si c'est nostre bien, ne vous affligez pas.

Non non ayez plustost, vne ferme assurance,
Que vous ne perdrez rien en ce iuste trespas:
Car c'est pour l'heur commun de toute nostre France,
Et de tous nos mal-heurs le plus certain soulas.

Vous serez esleuez, en des plus hautes charges,
Après auoir graué, de si beaux tesmoignages:
De vos fidelitez. au temple de l'honneur.

Vos enfans heritiers des vertus paternelles.
Preferez sur tout autre en des charges si belles
Pourront estre heritiers de semblable bon-heur.

THE [illegible] OF [illegible]
[illegible] [illegible] [illegible]

BY [illegible] [illegible] [illegible]
[illegible] [illegible] [illegible]

[illegible]

[illegible] [illegible] [illegible] [illegible]
[illegible] [illegible] [illegible] [illegible]
[illegible] [illegible] [illegible] [illegible]

[illegible] [illegible] [illegible] [illegible]
[illegible] [illegible] [illegible] [illegible]
[illegible] [illegible] [illegible] [illegible]

[illegible] [illegible] [illegible] [illegible]
[illegible] [illegible] [illegible] [illegible]
[illegible] [illegible] [illegible] [illegible]

[illegible] [illegible] [illegible] [illegible]
[illegible] [illegible] [illegible] [illegible]
[illegible] [illegible] [illegible] [illegible]

[illegible] [illegible] [illegible] [illegible]
[illegible] [illegible] [illegible] [illegible]

